

成銀

胡

松

推官新安進士

漂泊東西愜壯遊
洪崖嶺上鳥聲稠
新松雨過翠欲滴
茅屋雲來景更幽
寸草春暉千里思
平田薺麥萬家秋
瘴山炎海天王地
何似鄒郎漫涕流

何御

南紀風濤渺獨愁
漢宮懷舊轉悠悠
日邊麟鳳文章炫
海上龜鼉窟宅幽
積雨山川愁尚阻
炎

天瘴癘午猶浮洪崖直接交州路欲採丹砂訪
葛遊

三海巖

張岳

夙愛山水遊茲山屢延賞披雲入青暝岩屋訝
弘敞玲瓏開戶北峭壁排銀榜初駭溜中懸漸
喜瓊牙長幽泉時一滴毛骨森瀟爽壺觴屢獻
酬清言激微響天末多風波陳迹成俯仰徒聞
海上洲中宵勤夢想聊茲永日畱真性非外獎
暝色望征途何由釋塵鞅

翁溥

靈巖窅空洞奇探迥且深五月微風生飄飄涼
氣侵石床曼閒靜獨坐彈鳴琴徘徊里中曲惜
哉無知音日暮登高岡遠望浮雲陰欲因南風
發送此萬里心

林雲同

白雪難同調青山得共尋詎知殘歲晚獨坐西
城陰岩斷惟猿嘯峯高有霧侵尺書得自展因
可廢愁吟

何御

嗟矣三海岩之奇岩從海變幾何時桑田古說
非支離陵谷遷徙安前知故老相傳宿昔日樵
人傳見螺蚌蛤天開混沌相盪摩何海何山何
者石石存海逝渾不分竅鑿岩通共闕立岩側
無路可容車岩中有地廣布席席上招賓次第
來笙歌紛集華筵開獻酬忘却歸來路玉山推
倒落日催炯炯醉眸橫秋水更呼明月同徘徊

何御

塵世空鎖劫迷津幾問人一傳海水變三見桃
花春日月終難毀神仙或有真沉冥今自托騰
轉我誰身不辨崖爲谷安知漢繼秦天遊隨宇
宙雲卧逼星辰笑接浮丘輩六峯預結鄰

陶弼

靈邑西岩古洞天我來方信海爲田無名不入
州衙載有路空聞野老傳此日登山人採蚌當
時飯馬客畱錢顏公會記麻姑說三變柔桑是
果然

林錦知府

偶從二洞訪神仙洞裏沉沉別有天
瑤草琪花閑白晝夕陽啼鳥自流
年丹砂煉就人何在石髓凝來世
已遷見說蓬萊元不遠便應從此
謝塵緣

黃文豪

知府龍溪進士

諸峯羅抱此山靈氣候尊臨百里
城岩上一天星斗近洞中六月雪
冰生木從竇出枝偏巧花傍雲開
味自清無數幽禽與猿鶴聲聲獨
向醉

翁鳴

劉之柱

嶺表峒巖屹此山皇華歷遍一躋攀丹岩翠巘
開仙仗海市蜃樓湧洞間天半聲來松有籟竹
邊影動月臨灣嶙峋景勝浮三島安得巾車數
往還

江世昌

知縣太倉
州舉人

幽奇忽現一壺天海遠山空人作緣洞隱千峯
岩繡佛詞傾三峽石飛泉欣逢司馬歸朝去恍

遇漁郎問渡還覽勝劇談真快事不知說道說神仙

黃學元

知縣惠安人進士

盡道飛來石骨惣那知是地遍崆峒人從雪竇披香界天削雲根鑑法鐘迸下瓊漿春霧溼長懸金鏡皎輪空臨風頻作山靄恨不置中州負鬼工

半月岩

馮盛宗

知縣慈谿人進士

我愛月岩勝月岩勝若何天窓蟾影半竇涵露

華多香靄飄宮桂精光映浦螺廣寒笙鶴在誰
問洞天麼

梁夢鼎

靈山舉人
大庾令

我愛月岩勝月岩勝若何半輪通竅人千里共
明多影到天南地光涵海北螺騎鯨直上者更
得一枝麼

梁夢日

萬曆鄉荐
安吉州判

邑有月岩勝月中起幾何雲頭分璧半竅口上
弦多玉潔涵娟影祥光映海螺秋香蟾窟味蘭

室臭同厖

吳文震

巨岩通一竅如月未全盈外照山河影中涵蛤
蚌精銀潢斜界斷玉斧半修成莫訝平分破難
虧本體明

穿鏡岩

鄭光祖

人言此地有山靈試叩山君爲我評客以畱錢
何日事岩因海變阿誰名百年奇觀詩難狀千
丈層巒秋更清便好再尋穿鏡約要看鏡有幾